

時間：上午10:00

主禮者：劉世春牧師

宣召詩.....聖哉、聖哉、聖哉.....聖歌隊

宣召.....約翰福音四章23~24節.....主禮者

若是時欲到，現今就是，真實敬拜的，欲用神用真實敬拜父，因為父是愛此號人敬拜祂。上帝是神，敬拜祂的人著用神用真實來敬拜。

祈禱.....感恩、讚美、認罪、懇求、主禱文.....主禮者

聖經.....馬太福音十一章16~21節.....主禮者

此世代我欲用甚麼來比並伊？是親像因仔坐佇街市裡，來叫個的同伴，講：阮對恁歎笛仔，恁無跳舞；阮曾悲哀，恁無搥胸。因為約翰來，無食無飲，人就講他患著鬼；人子來，亦食亦飲，人就講他是貪食好酒的人，抽餉及歹人的朋友。若是智慧對祂的所行顯明祂是著。」耶穌曾佇許個城行多多權能，因為個攏無反悔，彼時才責備個，講：「哥拉汛啊，你有災禍！伯賽大啊，你有災禍！因為佇恁中間所行諸個權能，若有行佇推羅及西頓，個就早早穿麻衫摻(sám)火灰來反悔。

讚美.....萬物充滿你的恩典.....聖歌隊

春風吹來一陣玉蘭花香，樹頭枝雀鳥歡喜佇吟詩，  
溪水邊草埔青翠水果甘甜，我看見上帝的疼充滿佇萬物。  
一枝草，一點露，顯明天父大慈愛；一口氣，一滴水，賞賜阮活命的豐盛。  
哈利路亞，哈利路亞，一生惦佇主的裡面，讚美你創造大權能。

講道.....「當覺醒的世代」.....主禮者

祝禱.....主禮者

殿樂.....願.....海埔室內樂

本週金句

台語：天國互人強強取，強的人用力取伊。(馬太福音十一章12節)

白話語：Thian-kok hō lâng kiông-kiông chhú, kiông ê lâng ēng lat chhú i.  
(Má-thài 11:12)

華語：國是努力進入的，努力的人就得著了。(馬太福音十一章12節)

下主日禮拜資料

題目：我心渴慕敬拜主

宣召：詩篇四三5b

聖經：詩篇四二篇1-2、四三4節

啟應：廿四

聖詩：4、622、519、42

金句：詩篇一一五篇13節



## 7/18主日祈禱文 劉世春牧師

施恩的阿爸天父阮的主阮的上帝，感謝祢的恩典！互阮佇經歷一個多月來，開始看見阮眾人的努力及政府團隊的用心，全國染疫的人數已經降低到個位數，這個是阮眾人久久的期待，卻阮亦無掠按呢成做已經夠額，因為還有潛沈的風險踎佇阮的中間，阮猶原欲懇求祢施恩的聖手繼續引導及帶領，讓阮防疫的心態無放鬆、讓阮繼續面對這個看不見的對敵，倚靠祢來得勝。

阿爸天父阮知，阮多多同受恩的兄姊佇這段警戒的期間，佇逐主日干若可以用線上用直播的方式佇空中來禮拜，阮感覺無夠額，阮更加期待的是，入祢的殿院敬拜服事祢！阿爸天父這是阮心所願，誠願祢讓阮俛佇不久的將來可以進入祢的殿院，用謳咾、歡喜、感謝做祭來獻。

施恩的主，阮特別亦為著踎佇疫情警戒中，教會的兄姊許多因為病痛來入院，卻阮無法度到病院來探訪，主阮懇求祢保守囡，互囡對祢領受醫治的恩典，讓囡的身心靈得著勇健、靈魂體得著菁英，特別毋甘阮的兄弟王信雄君佇7/12來安息，懇求祢的聖手來扶持、安慰所有的至親及遺族，讓囡雖莽經歷失落，卻深知父上帝祢已經接納信雄兄到佇祢的懷抱中，願至親遺族承接安慰。

阿爸天父阮亦懇求祢，讓阮佇面對阮續接恩典的時刻若到，就是阮可以進入禮拜堂做實體的禮拜，以及阮通過疫苗的注射的普及，讓阮全國免疫力得提昇的祝福，亦同時亦懇求祢讓阮逐人可以覺醒，亦做伙共同來維護，通領受久長的平安。主，阮亦無掠眼前的防疫時勢做夠額，因為全球的疫情猶原面臨親像風湧波波的挑戰，願祢施恩讓它失勢來得控制。阿爸天父今阮此霎懇求祢與阮同在，互阮通過祢的話做來學習、彼此來激勵，願阮的禮拜成為芳芳的祭唱到祢的面前，得到祢的鑑納，阮恭敬將今早的敬拜仰望佇祢全能的聖手，祈禱懇求是靠阮的主～耶穌基督的聖尊名求，阿們！



### 代禱事項

- 一、為本會規劃申請獨立財團法人及麥比拉園區增建工程驗收順遂代禱。
- 二、為教會肢體(身體不適、生病、住院、安養院)求主看顧，身心靈得平安喜樂。
- 三、請為疫苗的注射感謝上帝，同時亦求上帝保守注射的過程得順利。
- 四、為武漢肺炎(COVID-19)疫情得控制、繼續降級解封、疫苗的取得與注射的普及，並全球各國的防疫策略得精進代禱。